

TOUT TOUT VOUS SAUREZ TOUT SUR ...

Voyage chez les naturistes

El censier d'Leuze

Tout avait qu'méché à Bruyelle el juaidi d'l'Ascinsion. E buvant en cop après l'randonnée, Jojo (Joël Maes) éyé René (Hauteceour, c'est li qui affique les wagons au qu'min d'fier) s'viser du voyage à la mer.



I s'artourne sur mi "Censier on n'irait niu avec, el garage est serré". Sans m'layer répont'e, y ajoute: "Si vous n'veniez niu, je n'vos parle pus pédant six mois". Comme je n'tenis niu à boire el moinette dominicale cul à cul pedant si loummé? j'nai nie osé dire que non.

Du samedi, el Tian (Christian) est venu m'replacher au mi-temps de l'traite, que je poviche m'appreter pou ett à l'heure au local.

I n'savait niu co qu'i d'allait étt enchorché.

E sortant el vélo d'l'auto, j'ai vu qu'Jean Claude (Vastrade) canjoit d's chambre à air. I n'savait niu co qu'i d'allait étt enchorché.

Nous étines én petite trentaine. A 7h15, on s'a mis à route. A peine parti, j'ai fait l'connaissance de Marc (Pechon) l'boxeu. S'vie, é vrai roman !

A s'propos, j'vourris fait ene petite digression : au mois d'juillet, à l'picarde des manous, é n'arrivant au ravito su l'plache de Méyau, on réconte Brigitte du club dé Fresnes, s'particularité à Brigitte elle a des d'bouts comme des pipettes dé chambres à air d'auto. Marc li murmure à s' n'oreille "on dirait que tu as froid". (il faisait vingt-chincq degrés). Pour toute réponse i reçoit l'verre d'eau é plein visache. Tout l'monde s'a flanqué à rire.

Arvenos à no voyage. A Mouscron, é r'démarrant d'un feu rouge Jojo skète en pédale. Difficile de rouler su én gambe. Heureusmint, dins un groupe, i d'a toudis qui pourmène ave leu cof à otiers, l'reparation a été rate faite. On s'a orreté à Roulers pour mingier s'tartine. L'restant d'll'aller s'a passé sans problème et à 11h30 no étinnes arrivés.

Willy (Dewaele) avoit trouvé é biau snack et tout l'monde a bieu dîner. Après l'repas, direction l'plage, but de no voyage.

Malgré qu'on n'roulait niu fel, em cardio montait d've les tours, é moumé donné, eine grosse partie du groupe arrête prétextant que el sabe d'alloit s'quiner les roulemés, on s'a rtouvé à chingt six au bord d'el mer.

El temps d'saquer s'marreonne

Après bramé d'hésitations (surtout el Bert Gilbert Cuvelier) on s'a élané à trois: Willy, Pascal (Delzenne) alias Mobylette et mi. El temps d'saquer s'marreonne et nos esvla au mi temps des naturistes.

Première affaire qui m'frappe : les floches!

Pierre Perret l'a canté, c'est vrai qui da tous les sortes: des gaillards de deux mets, qu'on pourroit pesser qu'i sont montés comme des poneys, détrompez-vous, ch'est tout l'contraire. Même si cha n've rieu dire, un coumarade d'école disait toudis "vaut mié en petite qui frétille qu'ene grosse qui roupille".

Quant à les fêmes, y avoit tous les fruits du verger, des puns, des poires et deux trois pastèques.

Pour cho qui est des fougounes, à côté des angoras, i avait des sougnées presque taillée au cordiau.

On arroit bieu d'morer là tout l'après dîner, mais après un quart d'heure, on s'a rhabillé pou erjoindre les coumarades et r'prenne el route du rtour.

Rien d'especiale, sinon qu'Nadine (Delvaeye) sé pique ene crise pasque elle ne veyot pu s'n'homme. On l'a ratte ertrouvé ! Jean-Claude, après deux fuites a eu s'dernier problème: eine caïne rompue. L'adage s'était co vérifié: jamais deux sans trois.

On est rétré au local su l'cop sept heure 30. el Bert a payé en pinte pou s'anniversaire et j'ai rejoins mes pénates ave des imaches plein l'tiète.